

**Inatsisartut inatsisaanni Inatsimmut §2, stk. 1 ”nipilersornermitunisassiornerup” ilassuteqaatigineqarnissaa pillugu Naalackersuisut siunnersuuteqaqqullugit peqquneqarnissaannut Inatsisartuni aalajangiiffigisassatut siunnersuut, nunami inuutissarsiornerup siuarsarneqarnissaanut atatillugu nipilersornermi tunisassioriaatsip siuarsarneqarnissaa anguniarlugu matumani nipilersortartut inatsisitigut illersugaasumik atuisinnaanissaat anguniarlugu inuussutissarsiornermi aningaasaliiffigineqarnissamut periarfissaqarnerannut ersarissaanerussaaq.**

(Inatsisartunut ilaasortaq Aqqalu C. Jerimiassen, Atassut)

### **Akissutitut allakkiaq**

(Inuussutissarsiornermut, Nukissiuuteqarnermut, Iisimatusarnermut Suliffeqarnermullu Naalackersuisoq)

### **Aappassaaneerera**

Naalackersuisut sinnerlugit Inuussutissarsiornermut Aatsitassanullu Ataatsimiititaliaq inatsisissatut siunnersuutip suliarineranut atatillugu sukumiisumik ataatsimiititaliap suliaqarsimanagera qutsavigissavara.

Siunnersuutimi allangortoqarnissaanik Inuussutissarsiornermut Aatitassanullu Ataatsimiititaliamit isumaqatigiissuteqarnikkut kissaatigineqarsimasoq maluginiarneqarpoq. Allanguutissatut siunnersuutip nipilersornermut filmiliornermullu suliffeqarfiusut inatsisitigut illersugaasumik atugaalernissaat allanguutissatut siunnersuutip ersarinnerulersissavaa.

Kalaallit Nunaanni nipilersornermik filmiliornermillu suliffeqarfiusup aningaasatigut tapiissutinik pissarsinissamut periarfissaqarnissaa allanguutissatut siunnersuutip erseqqissaavigaa. Aningaasatigut tapiissutit taakku Greenland Businessip isumagisaatigut tapiissuteqartarnermut aaqiissutit sulii aqutigalugit tunniunneqartarput.

Nunatsinnit nipilersornerit filmiliallu perloorutaasunik ileqquteqarput, tamarmillu uagut inuiattut katersuuffigisinnaavagut. Nipilersornermik filmiliornermillu suliffeqarfiup nukittorsarnissaa nunat tamalaani pisoqarfinni Kalaallit Nunaata inissiinissamut periarfissanik annertusaanissaanut piukkunnaateqarnissaa isigaarput, taamatuttaarlu aningaasaqarnikkut iluanaaruteqarfiunissaanut piukkunnaat isigalutigu.

Taamaattumik Naalackersuisut sinnerlugit Inuussutissarsiornermut Aatsitassanullu Ataatsimiititaliaq allanguutissatut taamatut siunnersuuteqarneranut qutsaviginiarpara. Allanguutissatut siunnersuutip pingaarutilittut erseqqissaaneq nassatarissavaa, taamaalilluni nipilersornermut filmiliornermillu suliffeqarfik inatsimmi ilaasuunera erseqqivissumik takuneqarsinnaassammat. Tamannami nipilersornermut filmiliornermullu suliaqarfiusumut naleqqiullugu siunissamut tunngatillugu inuutissarsiorfiit taakku marluk aningaasaqarnikkut tapersorsornissaannut kajumissutsimik pilersitsisoqarnissaanut ilalersuissaaq.

Taamatut oqaaseqarnikkut allanguutissatut siunnersuut akuerineqarpoq.